

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

Bosco, Jean a

Lovanii, 1665

Concl. XVI. Minister non potest adhibere materiam aut formam Sacramenti solùm probabilem, quando commodè potest adhibere certam.

[urn:nbn:de:hbz:466:1-73340](#)

est tanta irreverentia Sacramenti Matrimonij si indigno ministretur, cum ordinarii interveniat utilitas temporalis ipsius ministri, quae non reperitur in administratione aliorum Sacramentorum, ubi sola spectatur utilitas suscipientis. Profectò sicut peto Sacramentum ab indigno ministro, modo id suadeat notabilis utilitas; cur in Sacramento Matrimonij non licet propter eandem causam indigno ministrare? Nam petere & ministrare quasi idem sunt: proinde non videtur contrahens magis debere sequi conditionem ministrantis, quam perentis. De cætero attendamus, inspiciamus, perfrutemur quod possumus, ne infideles (quod absit) ministri & dispensatores mysteriorum Dei inveniamur.

248. *An sit fides
Ils minister
qui vult
confidere
Sacramen-
tum incer-
tus devo-
tae.*

Et verò (interrogat quispiam) numquid fidelis minister est, qui vult confidere Sacramentum incertus de valore? Constanter & unanimiter assérunt DD. haud licitum esse ministrare Sacramentum cum dubio negativo (quando scilicet non est fundamentum ad assensum præbendum aliqui parti) nisi in necessitate sub conditione; quippe Sacramenti institutio ad minus videtur exigere probabile judicium, nè continuo exponatur periculo nullitatibus contra reverentiam ipsi debitam.

Confirmatur: quia præceptum naturale non forniciandi requirit judicium, saltem probabile, quod hæc persona sit sua; ergo similiiter præceptum baptizandi cum aqua naturali, quod hæc sit aqua naturalis.

249. Interim tamen quemadmodum dubius de valore Matrimonij potest reddere debitum, quamdiu petens procedit bonâ fide, quia præponderat aliud inconveniens, scilicet periculum privandi alterum possessione sua absque sufficienti probatione; vel (clariss loquendo) quia negando debitum exponit se periculo iniustitia, reddendo autem periculo solius fornicationis; ex duabus porro malis, ubi alterum est necessarium, minus est eligendum; ergo eligenda fornicatio, quia minus est peccatum, quam iniustitia: ita dico in extrema necessitate sine irreverentia utimur materiâ aut formâ dubiâ, quando certior haberi nequit; quia prævaler præceptum charitatis, & abstergit omnem irreverentiam, quæ alias in tali ministerio committeretur. Enimvero cum Sacraenta instituta sint pro salute animarum, & aliqua saltam spes effulget eam procurandi animæ aliquin in æternum certò peritura, potius reverenter quam irreverenter tractat Sacra-

mentum, qui ita illud administrat, maxime sub conditione; quippe illa non subsistente altera pars essentialis necessariò deficit, per consequens intentio Sacramenti. Sicut ergo nulla est irreverentia contrahere Matrimonium ex justa causa cum impedimento dirimenter absque intentione Sacramenti, quia verba contrahentium non sunt materia aut forma validi contractus; sic nec erit irreverentia in necessitate extrema baptizare cum liquore, de quo dubitatur an sit aqua naturalis, sub conditione veræ materiæ; quia si revera non est aqua naturalis, quod non pender à voluntate baptizantis, non hic, sed potius Deus, qui instituit aquam naturalem pro materia essentiali, irritat Sacramentum.

Sed cum hæc factis constent, tamen discussio inter DD. Catholicos est, an minister relicta materiâ aut formâ certâ, possit adhibere solum probabilem. Major pars amplectitur sententiam negativam, pro qua placuit sequentem conclusionem instituere:

CONCLUSIO XVI.

Minister non potest adhibere materiam aut formam Sacramenti solum probabilem, quando commode potest adhibere certam.

Secundum aliquos Auctores si alibi, ^{250.} *Sententia Valgusi* etiam hæc sequi opinionem probabilem de valore materiæ aut formæ, si le- ^{aliorum} gem iustitiae, charitatis aut Ecclesiasticam excludas. Quidni (inquit) esset licet tum prudenter agere? Agit autem prudenter, qui sequitur opinionem probabilem. Sanè omnimoda in rebus humanis certitudo habere nequit, adeoque ad eam Deus non obligavit, sed ad moralem tantum, ne aliquin vix liceat operari, cum res practica difficillime cognoscantur, & varijs opinionibus subjecta sint.

Hercule si semper homo deberet sequi partem tutiorem, hoc est, in qua minus est periculum peccati, sive in qua nec materialiter potest esse peccatum, foris onus intolerabile, ut nemo ignorat qui novit diversitatem sententiarum circa licitum & illicitum in actibus humanis. Quin sepe quod est magis tutum, est minus probabile, id est, infirmioribus nititur fundamentis, puta, quod diebus festis teneamur conteri. ^{Si}

251.
Impugna-
tur Primum.

Si dixeris : Sacramentum exponit periculo nullitatis. Respondent, eum, qui prudenter aliquid facit, eo ipso non facere Deo vel Sacramento irreverentiam, nec exponere se periculo, nisi ad summum faciendi quod est irreverentia materialiter. Pater in eo, qui cum iudicio solùm probabili cognoscit suam; quamvis enim hic exponatur periculo fornicationis materialis, tamen non facit ullam irreverentiam formalem Deo vel ejus præcepto.

Contra : non est probabile, Sacramentum posse ministrari in materia probabili, quando certa est possibilis. Negant : cur enim minus hoc probabile sit, quam quod aliquis possit suscipere Eucharistiam, quando tantum probabiliter judicat se esse in statu gratia, aut quod possit retinere bona proximi, quando probabiliter solùm existimat esse sua? Quippe & tunc exponitur Sacramentum periculo materialis irreverentiae, scilicet quod carebit fructu; & retinens bona exponit se periculo materialis injustitiae.

Instas : præceptum justitiae, castitatis, & similia respiciunt actiones an honestae sint vel non; opinio autem probabilis cum conscientia practice certa faciunt actionem honestam formaliter, quamvis à parte rei sive materialiter sit inhonesta. Porro opinio probabilis circa valorem Sacramenti non respicit actionem, sed rem; & non potest facere ut aliquid sit materia, si revera à Christo non sit institutum.

Respondent : etiam hinc probabilitas obiecti redundat in actionem. Nonne probabilitas in exemplis preallegatis facit, quod à parte rei non sit materialis fornicatio, aut sacrilega suscepitio Sacramenti, vel injustitia, si à parte rei non sit uxor, aut suscipiens non sit dispositus, vel res non sit mea? Profectò propter meum putare, etiam prudenterissimum, nihil mutatur in re. Si ergo aliae actiones justificantur per iudicium probabile, etiam administratio Sacramenti in materia probabili, non præcisè per iudicium, quo iudico hanc vel illam materiam probabiliter valere, sed quo, supposito hoc iudicio, iudico prudenter licitum esse in tali materia ministrare.

Quocirca (inquit) addidimus : si legem iustitiae &c. Quamquam enim leges iste non reddit materiam vel formam minus probabilem vel improbabilem; faciunt tamen, ut nequeam ego prudenter iudicare, quod sit probabile, me licite posse ministrare Sacramentum in hac materia aut forma probabili.

Si rurum objicias : Sacra menta habent

jus certum ut validè ministrantur, cui non satisfit per ministerium incertum. Respondent : jus non est in inanimatis, sed in personis, v. g. in Deo, qui sicut habet certum jus ut Sacra menta ministrantur validè, sic etiam ut suscipiantur dignè; & tamen ad hoc ultimum sufficit probabile iudicium. Sic etiam habet Deus certum jus ne quis fornicetur, & ut homines adimplant sua mandata; & tamen ad vitandum peccatum formale, satis est iudicium probabile.

Quod autem instauri per exemplum ex humanis, ubi certo justitiae debito minime satisfit incerta solutione, parum, inquietunt, urget : quippe constat certo debito legis humanæ satisfieri probabili impletione. De debito justitiae forte idem dici posset : qui enim probabiliter satisfecit, potest censeri exemptus. Vel esto, quod non censetur exemptus, hoc ideo erit, quia justitia respicit æquitatem debitam inter datum & acceptum; jam autem incerta solutione non æquivaler certo debito. Unde contrahentes censentur alio sensu & mente contrahere. Quæ intentione seclusa posset sufficere æquitas probabilis debiti secundum se & solutionis, et si non foret æquitas ex parte scientiae seu certitudinis.

Porro Deus contentus est probabili solutione; etiam promissionis sibi factæ (ut communiter docerunt in materia de Religione) quamvis hæc probabilitas facere non possit, ut sit vera adimplecio voti, si à parte rei talis non est. Religio itaque sive reverentia debita Sacramentis, aut potius Deo in Sacramentis, solùm exigit, ut nunquam velim confiscere Sacramenta, quin saltē probabiliter valeat. Etenim quis rationabiliter conqueri potest de in honoratione sua, quando alter exhibet ei illum honorem, quem prudenter iudicat sufficere, quamvis fortassis hinc & nunc non sufficiat?

Urges : Deus statuit Sacra menta velut publicam monetam, cui suā auctoritate ^{256.} valorem ex passione Filij tribuit. Unde sicut fieret Regi injuria à cudente monetam dubij valoris, sic etiam Deo ab administrante Sacramentum solùm probabile. Respondent : non fieret injuria, si probabilis foret valor monetæ, nisi Rex plus præcepisset : Christum autem plus præcepisse, ex nullo capite ostenditur. Hæc illi pro sua sententia.

Sed contra : Christum plus præcepisse ostenditur ex dignitate & sanctitate Sacra mentorum, quæ Christus instituit, & voluit esse signa efficacia gratiae sanctificantis & alio-

254.
Quarto.

^{257.} Sæntentia
opposita
probatus.

Cc 3

& aliorum effectuum supernaturalium; hæc autem ratio non militat in alijs præceptis, ut proinde ab his ad Sacraenta seu administrationem Sacramentorum non valeat argumentum. Itaque tamen si alibi licet, hic tamen secundum plerosque Doctores non licet sequi opinionem tantum probabilem de valore materiæ aut formæ, quando commode potest adhiberi materia aut forma certa, etiam seclusa lege iustitiae, charitatis vel Ecclesiastica; quoniam non solum laedit proximus, cui exhibetur Sacraenta solum probabilia, cum possint exhiberi certa, sed laedit etiam religio, cultus & honor Deo ac Sacraentis debitus, dum fides & auctoritas divina, significatioque & efficacitas à Christo ibi instituta exponitur sine causa periculo evadendi fortasse ex re magni momenti in rem profus inanem & vanam omni fructu & veritate carentem.

Ex qua ratione videtur consecrarium, peccare contra reverentiam debitam Deo ac Sacraentis, qui suscepit Eucharistiam aut aliud Sacraenum probabiliter tantum dispositus ad effectum gratia sanctificantis, cum alioquin commode posset suscipere moraliter certò dispositus.

258. Pro qua ci-
tatu Scotti.
tus.

Pro hac sententia citatur Scottus 4. dist. 11. q. 6. n. 2. ibi: Hic breviter potest dici, quod cum certum sit farinam tritici purgatum secundum communem purgationem, eo modo sciaret, quo pistores solent eam purgare, esse manteriam convenientem ad facendum panem consecrabilem, & dubium sit, an amidum sit huiusmodi materia, & pars negativa multum sit probabilior, non sine peccato atque se exponit tali dubio. Hec Doctor Subtilis.

Sed responderi posset, Primo, ipsum loqui de particulari Sacramento, Eucaristia videlicet, in qua per dubiam & probabilem, solum consecrationem fit praedium animabus Purgatorijs, & alijs fideliibus pro le Missas exigentibus, qui defraudantur suffragijs, calu quo Sacraenum non subsistat.

Secundo: quando pars negativa est multum probabilior, pars affirmativa vix aut ne vix quidem est probabilis; quod enim parum est, in moralibus pro nihilo reputatur. Unde non uitetur Doctor voce Opinione probabilis, sed Dubius, quæ vox simplificiter posita significat dubium negativum.

Tertio: obstat hic usus Ecclesiæ, qui induxit legem non consecrandi nisi panem consecrum ex farina tritici purgata secundum communem purgationem, eo modo quo pistores solent eam purgare.

Et propter similem legem Ecclesiasticam est peccatum baptizare in nomine Generatoris, Geniti & Spirati, licet Baptismus hæc forma collatus probabiliter valeat (immo foret peccatum, esto certissime valeret) siquidem hæc probabilitas non redundat in actionem ministri; non enim probabile est, ministru posse confiscare Sacraenum, etiam certissimum, contra communem usum Ecclesiæ præscribentis & præcipientis ut eo modo, & non aliter admittretur.

Enimvero suppono tamquam indubiatum apud omnes Catholicos, solum hæreticis obstrepentibus, ministru debere servare ritus & cæmonias, aliaque ab Ecclesiæ præscripta & præcepta in ministerio Sacraentorum, ita ut secus faciens peccet graviter vel leviter pro materia quantitat, prudenti judicio determinanda. En definitio Concil. Trident. scil. 7. can. 13. Si quis dixerit, receptus & approbatos Ecclesiæ Catholice ritus in solemissi Sacraementorum administratione adhiberi conuenios, aut contemni, aut sine peccato à ministri probitu omitti, aut in novos alios per quemcumque Ecclesiastarum Pastorem mutari posse; anathema sit.

Atque hæc est consentanea doctrina SS. Patrum, & constans Ecclesiæ universalis usus & traditio. Quin & ipsa ratio naturalis dictat res sacras, inter quas præcipuum locum tenent Sacraenta, non solum cum interiori, sed etiam cum exteriori reverentia, ad quam ceremonias conductunt, esse tractandas. Vide Bellarminum lib. 2. de Sacram. cap. 30. & sequentibus.

Quæ cum ita sint, liquet profectio solemnem legem Ecclesiæ facere posse, ut administratio Sacraenti in materia aut formæ tantum probabili sit peccaminosa, esto alioquin fore licita: peccaminola (inquam) contra virtutem Religionis, ex cuius motivo Ecclesia precipit: ac proinde ex verbis Scotti supra allegatis non deducitur efficax argumentum pro nostra sententia.

Sed neque ex his verbis ejusdem Doctoris 4. dist. 3. q. 2. n. 10. Circa istum (loquitur de baptizato hodie in nomine Christi) tale remedium adhibendum est, scilicet universaliter in alijs dubijs (Baptismis) adhibetur, de quo extra de Baptismo & eius effectu. De quibus dubium est, an baptizati fuerint, baptizentur verbis istis premisis: si baptizatus es, non baptizo te; sed si non es baptizatus, ego te baptizo in nomine Patris & Filii &c. Et universaliter in omnibus dubijs

les Ecclesiastica pro-
babit bapti-
zare in no-
mine Geth-
semani & Spiri-
tus & Ge-
niti.

Obser-
vatus Erat
Ecclesiastica

Probatus
ex Trident.

SS. Pat-
ribus;
Tribu-
tione & in-
ratio
nali.

Alius locu-
scoris

dubiis quantum ad materiam & formam sunt
tres maxima. Prima est ista: si possibilis adest,
via cuiusmodi est eligenda. Secunda: si non adest
possibilis, via iustissima proxima est tenenda.
Tertia est ista: cessante impossibilitate, cautele est
supplendum, quod impossibilitas prohibebat. In
quibus verbis Doctor non loquitur explicite de omnibus dubiis quantum ad ma-
teriam & formam cuiuslibet Sacramenti,
sed solum Baptismi.

Explicatur
Tertio.

Explicatur
Secundo.

261.
Explicatur
Tertio.

Charitas
obligat ad
ministrandum Sacra-
mentum eum, re-
lato Sacra-
mento tan-
tum proba-
bili.

An Episco-
pus peccet
monialis
conferens
Sacra-
mentum Con-
firmationis
tantum
probabile.

Et dato quod loqueretur de omnibus
Sacramentis; numquid etiam de dubio po-
sitive seu opinione probabili? Videri pos-
set aliquid non propter haec verba im-
mediate praecedentia: Non andeo dicere, quod
baptizatus hodie in nomine Christi, esset bapti-
zatus: sed nec andeo dicere, quod non esset ba-
ptizatus.

Denique commode explicati possunt
haec verba de obligatione charitatis, que
maxime eluet in Sacramento Baptismi
proper maxima damna ex invalida ejus
administratione emergentia, praeferunt in
extrema necessitate, in qua eadem est ratio
Sacramenti Poenitentiae. Nemo autem non
videt, si habeat oculos apertos ad videndū,
charitatem obligare ad illa damna
evitanda, quando commode evitari possunt.
Si enim charitas dicit medium corporalē
debere infirmo extremē laboranti ad-
hibere medium certissimum recuperandā
sanitatis corporalis, & non posse uti medio
incerto, tametsi probabilit̄ judicet pro-
futurum, dum suspetit certum; quanto
magis obligabit medium spiritualem, ut
in extrema necessitate adhibeat certa reme-
dia sanitatis spiritualis, ubi & quando
commode potest ea adhibere? Tantum
quippe sanctas spiritualis præstat sanitati
corporali, quantum anima præstat cor-
pori.

Quidni etiam charitas obliget in Sacra-
mentis non necessarijs? Quidni (inquam)
Episcopus graviter peccet conferens Sacra-
mentum Confirmationis solum probabile,
cum posset commode conferre certum?
Licet enim gratia illius Sacramenti non sit
omnino necessaria ad salutem; equidem
tanti videatur esse valoris, ut merito cen-
teatur grave documentum seu detrimen-
tum eā privari, quando rationabiliter pe-
titur: atqui Episcopus conferens Sacra-
mentum tantum probabile foris privat sus-
cipientem illā gratiā, ad quam habet cer-
tum jus ex institutione Christi, & quam
proinde rationabiliter petit; quidni ergo
graviter peccet contra charitatem, que
obligat ad impedientium seu non infi-
tendum grave documentum proximo,

quando commode potest evitari?

Dices: Probabilit̄ evitatur omne no-
cumentum, quia probabilit̄ confertur obiectio.
262.
gratia; jam autem probabile tantum nocu-
mentum minus est, quam certum nocu-
mentum; esto ergo graviter peccaret Epis-
copus tam contra charitatem, quam contra
iustitiam, negando Sacramentum vel ad-
ministrando Sacramentum invalidum; haud
equidem ita graviter peccaret administran-
do Sacramentum tantum probabile.

Audite quid doceat Lorca 1.2. de Actib. ^{Sententia}
humanis disp. 39. memb. 2. Vera (in-
quit) ratio, ob quam in usu Sacramento-
rum necesse est sequi sententiam tutiorem,
quando maximum damnum spirituale ti-
metur, est, quia quamvis communia per-
cula & documenta imminentia communī
diligentiā & probabilit̄ scientiā sufficienter
caveantur, sed quando aliquod incommo-
dum maximum & irreparabile occurrit,
recta ratio postulat, ut homo non satisfa-
ciat communī diligentia, sed maiorem ad-
hibeat, & si potest, omnem ejus periculi
probabilitatem amoveat.

Ex hoc sequitur primō, licere uti qua-
cumque opinione probabili circa essentialia
Sacramentorum, que non sunt de necessi-
tate salutis. Sequitur secundō, circa essen-
tialia Sacramenti Eucharistie licitum esse
aliquoties uti probabilib⁹ sententijs, non
tamen ex consuetudine & longo tempore.
Hujus ratio est: quia Sacramentum Eu-
charistia, secundū probabilit̄ sententiā,
necessarium est ad conservationem
vitæ spiritualis; secundū omnium vero
doctrinam maximum fructum spiritualem
præstas, quo fructu fraudari diu hominem,
gravissimum documentum est; una autem
aut alia vice, non ita grave præjudicium
inficit. Idem censco de usu probabilium
opinionum circa Sacramentum Pœnitentiae,
quod quamvis sit necessarium ad sa-
lutem interveniens peccato mortali; sed
cum possit facile repeti, non censetur adeo
magnum detrimentum; si quis ductus opini-
one probabili, semel aut iterum pœnitentem
exponat periculo carendi effectu il-
lius: secūs, si frequenter & multoties id
faceret. Hucusque Lorca loquens de obli-
gatione charitatis.

Fateor ego, certam privationem gratiæ
sacramentalis esse majus documentum,
quam privationem tantum probabilem;
interim negare non andeo; quin etiam haec
sit aliquod documentum, grave vel leve
relinquo judicio prudentis. Mihi videtur
satis grave probabilis privatio effectus Sa-
cramenti Confirmationis per totam vitam,
& per

263.
Responso;

208. *Diss. 1. De Sacramentis in genere.*

& per consequens per totam aeternitatem.

Eadem est ratio Sacramenti Ordinis; immo maior; quia si à parte rei Sacerdotium v. g. non valeat, ordinatus redditur incapax ad validè confiencia alia Sacra- menta Eucharistiae, Poenitentiae &c. quod est gravissimum damnum.

Præterea exstimo charitatem obligare non solum ad evitandum, seu non inferendum grave nocumentum, verùm etiam ad non inferendum quocumque leve nocumentum proximo rationabiliter invito. Cum autem impræsentiarum proximus rationabiliter petat certum Sacramentum; neque enim Christus instituit Sacramentum tantum probabile, sed certum, videatur, nisi forte cedat juri suo, rationabiliter esse invitus, seu rationabiliter conqueri posse de Sacramento solum probabiliter collato, reliquo Sacramento certo, quod æque commodè poterat ministrari. Igitur administrans Sacramentum probabile tantum, reliquo certo absque ulla necessitate seu ratione, idque suscipienti rationabiliter invito, videtur peccare ad minus contra charitatem.

264. Subinde etiam contrá justitiam, quando scilicet minister obligatur ex officio, uti Pastor ex justitia te- nuntur adi- ministrare Sa- cramentum. De alijs non ita certo constat: quippe possent negare Sacramentum sine injuria; ergo etiam sine injustitia administratum. De alijs non ita certo con- stat.

Sententia De Scildere.

2. n. 112. dicens: Supposito quod con ferre velit, obligatus est, quasi ex contraetu, procedere vià tutissimā, nisi suscipiens consentiat. Sicut consiliarii, licet non sit obligatus dare consilium, supposito tamen, quod alteri dare velit, obligatus est ex iustitia dare iuxta potentis intentionem.

Sed si ipse hoc afferendo probavit, ego negando refutavi. Interim prior sententia probatur à simili, quod idem Author admittit eodem tract. n. 106.

Medicus stipendio conductus peccat non solum contra Charitatem, sed etiam Justitiam, si reliquo remedio certo prescribat non probabile; habet enim infirmus ex via conductionis jus strictum ad medicinam magis profuturam; hac quippe est ipsius intentio. Sin autem medicus gratis alicui optulitur, quemadmodum non peccat contra Justitiam, sed contra solam Charitatem, subtrahendo omnem medicinam, multò

minus peccabit contra Justitiam, si prescribat medicinam incertam, quā, alioquin certò moriturus, fortè supervivet.

Quod limbo, nisi peritissimum querenti, qui certissimum adhiberet remedium, se sponte ingerat ut talis, cum alias eram reperturus, cuius operā mortem evassem; tunc quippe per fraudem impedit infirmū à remedio certissimo, ad quod habet strictè dictum jus. Ac proinde non videtur improbable, Religiosos, quise ingerunt ex charitate officio Parochi, audiendo confessiones & alia Sacra- menta administrando, eandem cum ipso subire obligationem, semper utique confiendi Sacramentum certum, ne per fraudem impediatur populum ab infallibili remedio aeterna salutis, ad quod habet strictum jus, & quod bona fide putar se ab illis accipere, alioquin accusurus eum, qui ex officio ad hoc obligatur.

Petes: an ergo Sacerdos cum probabili tantum jurisdictione nequeat se publicè exponente audiendi confessionibus? Distinguit hic aliqui inter materiam & formam Sacramenti ex una parte, & jurisdictionem requisitam ad validam absolutionem ex altera, docentque jurisdictionem probabilem per se sufficere ad licetē absolvendum; secundū probabilem tantum materiam vel formam.

Sed si res penitus introspiciatur, inveniatur solum esse differentiam quamdam materialiem. Ratio quippe distinctionis illorum Auctorum est, quia cum jurisdictione merè pendeat à Prælatis Ecclesiæ, eo ipso quo aliquis habet probabilem, jam habet certissimam, Ecclesia supplette defectum ad singulos actus propter bonum commune. Idem cernitur in illo, qui habet titulum coloratum cum errore communi, ut videbimus in materia de Peccatis.

Porro materiæ & formæ Sacramentorum cum à Christo immediate instituta sint, nequit Ecclesia earum defectum suppleri; Deum autem id facere nullibi est revelatum; adeoque materiæ & formæ semper remanent in terminis probabilitatis; jurisdictione autem transit in certissimam, ut illi volunt: ergo tunc non conservatur Sacramentum cum jurisdictione probabile, nisi speculativè, sive antecedenter ad exercitium, sed cum jurisdictione practice certa. Quod si etiam Deus suppleret defectum materiæ & formæ, de qua suppletione non satis constat, idem profectò dicendum esset de probabili materiæ & formæ, quod de probabili jurisdictione.

Et sicut

Quid de la
ligiosis, &
ex Chanc.
te officiis
Parochiali
bus ing.
restitutis?

265.
Quid de Sa
cerdote
cum prob
abilis tantum
jurisdictione
ne suffici
dis confi
ctionibus
publice ex
ponente?

An & co
seco ed.
ministra
diffinitio
quoniam
Auctor
intermet.
riam & for
mam Sac
mei ex
una parte,
& justifi
cione re
quisitam ad
validam ob
servationem
ex altera.

266.

Et sane si quis diceret Ecclesiam supplerere defectum individua materiae Ordinis, utpote quam Christus videtur reliquise determinationi Ecclesiae, ut suo loco diffusus explicabimus. Similiter in Matrimonio supplerere defectum legitimi contractus; nonne consequenter admittere deberet tam licitum esse cum probabili materia ordinare seu conferre sacros Ordines, & cum probabili materia aut forma contrahere Matrimonium, quam cum probabili jurisdictione absolute?

An autem probabilis jurisdictione ita certa sit (ut putant hi Doctores) & consequenter an licet cum illa communiter absolvere, etiam in articulo mortis, dicam in materia de Poenitentia. His sufficiat annosatis, distinctionem illam potius esse materiale, quam formale: nam si jurisdictione probabilis non exiret terminos probabilitatis, neque cum illa liceret absolvere magis, quam cum materia aut forma probabilis, adeoque peccare minister ad minus contra charitatem, nisi forte fieret de consensu poenitentis.

267.]

Si dixeris: Licitum est uti opinione probabili distante non esse restituendum, & tamen est periculum iniustitia; nam forte erit illa res proximi: ergo similiter licitum erit uti opinione probabili in administratione Sacramentorum, cum periculo efficiendi aliquid contra charitatem.

Respondet Felix Tentative Complutensis tomo 1. tract. 4. de Conscientia c. 3. diff. 10. n. 7. magnum esse discrimen; nam proximus non habet jus certum, ut illi talis res restituatur, sed solum probabile; & ita fine jure petetur restitucionem certam, & illi satisfactio opinione probabili: at vero proximus jus habet certum, ut Sacra menta vera & certa illi tribuantur, cui non satisfactio cum Sacramento dubio aut probabili.

Addo, quod sicut restituens tenetur prospicere bono proximi, ita & bono proprio vel pauperum, & ita non tenetur sequi opinionem dicentem, ut restitutus; sed potest se conformare opinioni affirmanti, ut sibi retineat, vel pauperibus eroget. Haec illa.

268.

An Doctor interrogatus potius obligare ad restitutio nem secundum opinionem probabilem?

bonis id, quod revera non deberet restituere. Respondet Vasquez 1. 2. disp. 63. n. 14. neg. consequentiam: quia (inquit) ex charitate non potius debet Doctor ille prospicere restituenti, quam ei, cui factenda est restitutio; ac proinde ut obliget interrogantem ad restitucionem, satis est sequi opinionem suam probabilem.

Quod si quis dicat (prosequitur idem 269.) Autem paucis interjectis) neminem esse obiectum obligandum ad restitucionem ex sola opinione, quia melior videtur conditio possidentis; ac proinde ex sola opinione obligandus non est. Respondeo regulam illam juris: Melior est conditio possidentis, intelligendam esse in casu dubio, non autem cum est varietas opinionum; nam quando est varietas opinionum, non dicitur res dubia. Haec ille.

Planè (inquit) non dicitur res dubia negative; sed dicitur res dubia positiva. Quod autem regula illa juris intel ligenda fit in casu dubio negativo, & non etiam in casu dubio positivo, unde probatur? Quippe non ait regula juris: In dubio melior est; sed: In pari delito re causa potior est conditio possidentis. Et lex 128. ff. de diversis regulis juris: In pari causa possessor potior haberi debet. Cur ergo etiam in casu dubio positivo possessor non habebitur potior?

Respondet Vasquez supra, quia alioquin judices non possent secundum opinionem quam putant probabilem, spoliare aliquem re quam possidet, & alteri eam adjudicare.

Sed contra: Regula Juris non ait: In causa probabiliori; sed: In pari causa. Ergo 270. tametsi regula illa intelligeretur in casu dubio positivo, quando videlicet opinio nes contraria forent æquè probabiles; nihilominus judices possent secundum opinionem, quam omnibus consideratis, etiam ipsa possessione, putant probabilem, spoliare aliquem re quam possidet, & alteri eam adjudicare.

Nonne in dubio vel pari causa de valore dispensatio, v. g. in impedimento Matrimonij, non obstante quod possessor sit pra impedimento (quippe quod ante dispensationem certum erat) judicatur dispensatio valida? Sed cur hoc? Quia possessioni præponderat præsumptio valoris actus, juxta legem Quotiens in stipulationibus ff. de verbis obligationi, ibi: Quotiens in stipulationibus ambigua oratio est, commodissimum est id accipi, quo res, de qua agitur, in tuto sit. Et lege Quotiens in actionibus ff. de Rebus dubijs, ibi: Quotiens in actionibus

Dd

mlbus

Disparates inter ultimam opinionis probabilitatem dicitur non esse restituendum, & usum probabilis opinionis in administratione Sacramentorum, Filia,

In dubio de valore dispensationis, v. g. in impedimento Matrimonij, non obstante quod possessor sit pra impedimento (quippe quod ante dispensationem certum erat) judicatur dispensatio valida.

nibus aut exceptionibus ambigua est oratio, commodissimum est id accipi, quo res, de qua agitur, magis valeat quam pereat. Idem habetur cap. Abbate de verbis significi, ibi: Profecto sic intelligenda sunt illa verba, ut res, de qua agitur, valere posit potius quam pereire.

Ergo similiter in casu praesenti tanta potest esse probabilitas causa perentis restitutionem rei sua, ut etiam considerata possessione alterius partis, adhuc probabilitus sit rem ipsi deberi, vel saltem vere probabile: & in istis circumstantijs Doctor consultus poterit respondere possidentem debere restituere, sequendo opinionem suam probabilem.

An Doctor interrogatus debet respondere secundum propriam opinionem.

Dico, Opinionem suam; quia, si verum est, quod ait Vasquez supra: Qui interrogat Doctorem aliquem an obligatus sit ad restituendum, non interrogat de opinione aliorum Doctorum, sed de opinione ipsius quem interrogat; si hoc, inquam, verum est, Doctor interrogatus non videtur suo muneri satisfacere, si relinquens suam opinionem, qua credit eum non obligari ad restituendum, secun-

dum aliorum sententiam respondeat obli-
gando ipsum ad restitutionem: etenim in-
terrogantem solūmodo inquirere quid ipse à parte rei facere debeat vel posse,

nisi aliud expressè significet. Sanè si Doctor eum excusat ad restitutione secundum sententiam aliorum, credo firmiter, quod nullatenus conquereretur de de-
ceptione.

Atque ex his sit finis impositus huic 271
controversiae, immo & Sectioni. Nam quod attinet ad jurisdictionem Ministri, planè aliqua requiritur extra casum neces-
sitatis, nè videlicet in Ecclesia Dei omni-
naturae inordinatè & confusa fiant; sic (in-
quam) requiritur, ut pccet, etiam mortaliter,
qui sine ea ministrat Sacramentum
(excepto Matrimonio) ut patebit suis lo-
cis agendo de Sacramentis in particulari.

Impræseniarum sic expeditis conditio-
nibus requisitis ex parte ministri, reliquum
est ut examinemus conditiones necessarias
in suscipiente.

SECTIO OCTAVA.

De Suscipiente Sacramentum.

I.
Soli viatores sunt capaces Sacramentorum.

Constat Primo solos viatores esse capaces Sacramentorum, morali (ut sic loquar) capacitate, id est, cum effectu gratiæ sanctificantis. Posset quidem physicè Beatus sumere sacram Eucharistiam (nam etiam bruta possunt materialiter sumere sacram hostiam). non tamen sacramentaliter tamquam cibum spiritualem nutritivum.

Constat Secundo apud omnes Catholicos, nullam in parvulis (eadem est ratio perpetuum amentium) requireti fidem, intentionem aut aliam quamcumque dispositio-
nem, ut validè, immo fructuosè suscipiant Sacra-
menta, quorum sunt capaces, puta Baptismum, Eucharistiam, Confirmationem, & verosimilius Ordinem.

Quaris rationem? In promptu est, scilicet carentia usus rationis, ex qua incapaces sunt proprie fidei, intentionis aut alterius cuiuscumque dispositio-
nis. An autem requiratur fides vel intentio parentum offeren-
tium suos parvulos, statim videbi-
mus.

Tota ergo controversia devolvitur ad

adultos, id est, ratione utentes, vel qui aliquando ratione usi fuerunt, in quibus certum est plura requiri ad licitam, quam ad validam tantum susceptionem; ut etiam superiori Sectione vidimus plura requiri in ministro ad licitam ministratio-
nem, quam ad validam tantum. Incipien-
do autem ab ultimo :

CONCLUSIO I.

Adultus qui nunquam conser-
tit, sed penitus contradicit,
invalidè suscipit Sacramen-
tum, quod consistit in usu.

Adules
non con-
tinens
Eucha-
ristiam.

Dico quod consistit in usu, quia de Eu-
charistia, quæ est Sacramentum per-
manens, est diversa ratio; quippe ante sum-
ptionem supponitur habere veram ac pro-
priam rationem Sacramenti. Unde etiam
animalia irrationalia validè illud suscipiunt;
ergo etiam homo penitus contradicens.

An